

Årsrapport 2021 – Tannhelsetenesta

Dette er tannhelsetenesta sitt bidrag til samla årsrapport for Møre og Romsdal fylkeskommune i 2021

Del 1: Status for fagområdet i 2021

Fylkeskommunen har ansvar for den offentlege tannhelsetenesta og skal sørge for at tannhelsetenester, medrekna spesialisttenester, i rimeleg grad er tilgjengelege for alle som bor eller mellombels oppheld seg i fylket. Fylkeskommunen skal organisere førebyggjande tiltak for heile befolkninga og gje eit regelmessig, oppsøkande og gratis tilbod til prioriterte grupper.

«Omstilling 2020» i tannhelsetenesta har hatt som mål å sikre ein fullfinansiert tenestestruktur som føresetnad for rekrutterande og stabile fagmiljø. I 2021 har arbeidet med å effektivere dei vedtekne strukturelle endringane blitt vidareført, med nye bemanningsplanar i kompetanseregionane og utfasing av distriktstannklinikane Aukra, Batnfjordsøra, Eidsvåg, Ørskog, Ulsteinvik og Larsnes. Parallelt med strukturendringane har det blitt gjennomført utprøving av mobile behandlingseingar for behandling av institusjonspasientar.

Koronapandemien har sett preg på den offentlege tannhelsetenesta også i 2021. Smitteverntiltak har redusert behandlingsskapasiteten og gitt færre institusjonsbesøk enn planlagt. Ein annan konsekvens er etterslep på behandling av prioriterte pasientgrupper og reduksjon i honorarinntektene.

Del 2: Økonomi

Tannhelse hadde i økonomiplan 2021 ei driftsramme på 174 mill. kroner, og eit mindreforbruk på 6 mill. kroner. Den vanskelege rekrutteringssituasjonen, og fleire ubesette stillingar, er hovudforklaringa på driftsoverskotet. Mindreforbruket på lønn utgjorde 9 mill. kroner. Inntektene på vaksne betalande pasientar har blitt redusert med 30% (6 mill. kroner) som følge av smitteverntiltak og nedsett aktivitet i lys av koronapandemien.

Del 3: Måloppnåing 2021

Fylkesplanmål for samarbeidsfylket Møre og Romsdal

Møre og Romsdal skal....

S2 samordne dei offentlege ressursane og kompetansen for å møte samansette behov hos eldre, barn og unge, innvandrarak, personar med nedsett funksjonsevne og andre utsette grupper

Resultatmål: Meir folkehelsearbeid og samhandling med kommunane om det offentlege tannhelsetilbodet.

- Tannhelsepersonell utførte 1 069 timar førebyggjande arbeid utanfor klinikkane i 2021. Koronapandemien og smittevernomsyn gjorde at målet om 2 500 timar ikkje vart nådd.
- Tannhelsepersonellet sin besøksfrekvens på helseinstitusjonane, med gjennomgang av samarbeidsrutinar, opplæring, rettleiing og oppfølging for å bebuarane si orale helse vart lågare enn planfesta som følgje av koronapandemien og besøksrestriksjonar.

Fylkesplanmål for inkluderings og kompetansefylket

Møre og Romsdal skal:

I2 ha ei tannhelseteneste med god kvalitet, pasienttryggleik og høg kompetanse, som gir prioriterte grupper god tannhelse

Resultatmål: Høg dekningsgrad for prioriterte pasientgrupper og fråver av karies minst på same nivå som landsgjennomsnittet for barn og ungdom (indikatorårskull)

- Lågare dekningsgrad for barn, unge og eldre som følgje av koronapandemien (smitteverntiltak og innskrenka behandlingssomfang) og vakante behandlarstillingar.
- Tannhelsetilstanden, målt i førekomst av karies, har betra seg for indikatorårskulla 5- og 12-åringar. For 15- og 18-åringane derimot er det ein liten auke frå 2020 i førekomsten av karies. Vi ligg framleis under landsgjennomsnittet for 12-, 15- og 18-åringane.

Resultatmål: Attraktive arbeidsmiljø med høg fagleg standard og utviklingsmoglegheiter.

- Både klinikkstrukturen og driftsrammene er endra gjennom omstillingsprosjektet "Omstilling 2020". Omorganiseringa skal sikre ein fullfinansiert tenestestruktur med betre førsetnader for rekruttering og stabil bemanning.
- Koronasituasjonen og strenge smitteverntiltak har medført at tannhelsetenesta har mista møteplassar for kompetansedeling og fagleg utvikling. IT-infrastrukturen er framleis ikkje tilpassa digital samhandling på klinikknivå.
- Sjukefråveret har blitt redusert frå 11% i 2020 til 10,5 % i 2021, men ligg framleis over måлтаlet på 7%. Koronapandemien og smitteverntiltaka i tannhelsesektoren har gitt lågare terskel for tilsette for å halde seg heime ved teikn på luftvegsinfeksjonar.

Resultatmål: Sikre tilgjenge til kvalitativt gode tenester i klinikklokale av god standard

- Nybygd distriktstannklinikk med 9 behandlingsrom, kvilerom for pasientar som har fått sedasjon og eige røntgenrom med heilt ny OPG, vart sett i drift i nyopna Hareid helsehus. Endringane i klinikkstrukturen på ytre Søre Sunnmøre, i Hareid, Ulstein og Sande kommunar, er med etableringa av nye Hareid distriktstannklinikk i mål.
- Fem nyinnkjøpte mobile behandlingseiningar har blitt testa ut i 2021. Behandlingseiningane vil bli nytta for å utføre tannhelsetenester på helseinstitusjonar og sjukeheimar for lite mobile pasientar.

Del 4: Satsingar i 2022

- Redusere etterslepet og auke dekningsgraden for prioriterte pasientgrupper. (Fylkesplanmål I2).
- Målrette innsatsen for attraktive arbeidsmiljø med høg fagleg standard og utviklingsmoglegheiter. (Fylkesplanmål I2).
- Sikre tilgjenge til kvalitativt gode tenester i klinikklokale av god standard og auke bruken av mobilt behandlingsutstyr på helseinstitusjonane. (Fylkesplanmål I2).
- **Meir folkehelsearbeid og samhandling** med kommunane om det offentlege tannhelsetilbodet. (Fylkesplanmål S2).

Del 5: Høgdepunkt- «visste du at»

- Visste du at 56 319 barn og unge opp til 18 år var under tilsyn av den offentlege tannhelsetenesta i 2021?
- Visste du at nær kvar fjerde innbyggjar i fylket er under tilsyn av den offentlege tannhelsetenesta?